

**KONTRATË THEMELIMI
PËR
SHOQËRINË TREGTARE
"ERJALBA" SH.P.K.
ME SELI NË GJIROKASTËR**



Sot më datë 10.02.2004, Ortakët Themelues :

1. **Bashkim Tola**, i biri i Belulit, i datëlindjes 06.08.1968, lindur në dhe banues në Gjirokastrë, person madhor me zotësi të plotë juridike për të vepruar, mbajtës i pasaportës me nr. 1259301.
2. **Valdete Tola**, e bija e Delos, e datëlindjes 10.04.1968, lindur dhe banuese në Gjirokastrë, madhore me zotësi të plotë juridike për të vepruar, mbajtëse e pasaportës me nr. 1259302.

Ranë dakort për themelimin e shoqërisë me termat si më poshtë vijon:

NENI 1.

SHOQËRIA TREGTARE "ERJALBA" Sh.p.k. themelohet si Shoqëri Tregtare, bazuar në ligjin Nr.7638 datë 9.11.1992 "Për Shoqëritë Tregtare".

Ajo është Person Juridik Privat Shqiptar, pas regjistrimit në Regjistrin Tregtar, pranë Gjykatës së Shkallës së Parë Tiranë.

Selia e saj ndodhet në Qytetin e Gjirokastrës, me adresë Lagjia "18 Shtatori", pranë Pallatit të Sportit.

NENI 2.

Veprimtaria e Shoqërisë bazohet në normat e kësaj kontrate themelimi, Statutit të Shoqërisë, si dhe Legjislacionit Shqiptar në fuqi.

Themeluesit e saj mbajnë përgjegjësi vetëm për detyrimet që krijon Shoqëria.

NENI 3.

Kapitali themeltar i Shoqërisë është i përbërë nga kontributi i ortakëve themelues në vlerën 100.000 (njëqind mijë) lekë. Kuotat janë me vlere nominative. Kapitali themeltar ndahet në 100 kuota me shuma jo më të vogla se 1000 lekë.

Kuotat e Shoqërisë janë të ndara si më poshtë :

1. **Zoti Bashkim Tola**, me cilësinë e ortakut themelues, zotëron 51% të kuotave të kapitalit themeltar.
2. **Zonja Valdete Tola**, me cilësinë e ortakës themeluese, zotëron 49% të kuotave të kapitalit themeltar.

Kapitali themeltar është investuar nga Ortakët Themelues, në gjithë madhësinë e tij dhe në masën 100 % të vlerës së kapitalit, në përpjestim me pjesët e tyre takuese.

Vlerësimi dhe shlyerja e kapitalit themeltar është bërë nga Ortakët Themelues me rastin e miratimit të kësaj kontrate themelimi dhe është nënshkruar prej tyre.

Vlerësimi i mëtejshëm i kapitalit themeltar nuk lejohet.

NENI 4.

Shoqëria ka të depozituar në Bankën "Banka Tirana" Dega Gjirokastrë, kapitalin në të holla, i cili depozitohet në llogarinë "Shoqëri në Formim e Sipër" dhe në datën e nënshkrimit të kësaj kontrate themelimi.

Mbas rregjistrimit të Shoqërisë kjo shumë do të kalojë në llogarinë e kësaj Shoqërie që do të çelët pranë Bankës "Banka Tirana" Dega Gjirokastrë.

Në llogarinë e Shoqërisë çelët llogaria "Fondi Themeltar i Ortakëve" ku rregjistrohet sasia e kapitalit të tyre.

NENI 5.

Objekti i Veprimtarisë të shoqërisë.

- Veprimtari në fushën e gastronomisë dhe fast food.
- Aktivitet në fushën e tregtisë së Bareve, Restoranteve e Hotelerisë, duke përfshirë këtu të gjitha ambjentet argëtuese në funksion të tyre, si disko, klube nate, e lojra të ndryshme argëtuese në funksion të tyre.
- Import-ekport dhe shitblerje me shumicë dhe me pakicë të mallrave industriale, ushqimore, blektorale, bujqësore, lëndëve të para, pjesëve të këmbimit për makina të të gjitha tonazheve, cigare, medikamente mjeksore, pajisjeve elektrike, elektronike, hidrosanitare, hidraulike, duraluminit, pllakave të të gjitha llojeve, plastikës, gomës, bimëve mjeksore, lëndëve drusore dhe mobiljeve, makina të të gjitha llojeve dhe tonazheve, të linjtave të prodhimit dhe të përpunimit, konfeksioneve dhe të parfumerisë, por pa u kufizuar vetëm në këto.

NENI 6.

Shoqëria do të funksionojë me një afat kohor të pa kufizuar. Afati i fillimit të veprimtarisë fillon mbas regjistrimit të Shoqërisë në Rregjistrin Tregtar.

NENI 7.

Ortakët themelues mund të heqin dorë nga Shoqëria por gjithnjë për shkak të përligjura.

Heqja dorë nuk i shkarkon Ortakët, nga detyrimet e Shoqërisë deri në momentin e heqjes dorë.

NENI 8.

Investimet dhe veprimtaria e Shoqërisë gëzojnë mbrojtjen e shtetit Shqiptar, i cili krijon të njëjtat kushte si për subjektet shqiptare ashtu edhe ato të huaja.


NENI 9.

Fitimi i realizuar kalon në pronësi të ortakëve themelues. Fitimi është lirisht i transferueshëm brenda edhe jashtë shtetit shqiptar.

NENI 10.

Ortakët Themelues kanë sidomos këto detyrime:

- Të regjistrojnë Shoqërinë në Rregjistrin Tregtar dhe të marrin lejet e nevojshme të ushtrimit të aktivitetit të veprimtarisë së tyre.



- Të derdhin kapitalin e nevojshëm për fillimin e aktivitetit të Shoqërisë.
- Të sigurojnë mjediset e nevojshme për fillimin e aktivitetit, makineritë, materialet e para e ndihmëse.
- Të sigurojnë mundësitë e specializimit të fuqisë punëtore dhe specialistëve për zhvillimin e aktivitetit të Shoqërisë.
- Të sigurojnë objektet dhe makineritë e Shoqërisë nga çdo lloj dëmtimi.
- Të menaxhojnë prodhimin e ta reklamojnë atë nëpërmjet mjeteve të ndryshme të Informacionit.

NENI 11.

Organet drejtuese të Shoqërisë janë :

Asamblea e Ortakëve.

Administratorët.

Ekspertët Kontabël për rastet e parashikuara nga ligji.

Mënyra e organizimit dhe funksionimit të tyre është përcaktuar në Statutin e Shoqërisë.

Administratorë të Shoqërisë "ERJALBA" Sh.p.k. do të jenë **Z. Bashkim Tola** dhe **Znj. Valdete Tola**. Ata veprojnë në emër dhe për llogari të shoqërisë sipas të drejtave dhe detyrimeve të përcaktuara në ligj dhe Statut. Ata e përfaqësojnë shoqërinë të dy së bashku ose secili veç e veç.

NENI 12.

Ortakët detyrohen të ruajnë sekretin e themelimit dhe të veprimtarisë së Shoqërisë.

Të punësuarit dhe të ngarkuarit me drejtimin e Shoqërisë mbajnë përgjegjësi dhe detyrohen të zhdurojnë Shoqërinë për dëmet që i janë shkaktuar për faj të tyre gjatë ushtrimit të veprimtarisë së tyre.

NENI 13.

Ortakët mund të vendosin me vullnetin e tyre, për pjesmarrjen në Shoqëri të tjera dhe të krijojnë çdo lloj aktiviteti tjetër privat.

NENI 14.

Mosmarrveshjet për themelimin e Shoqërisë zgjidhen nga Ortakët themelues të Shoqërisë dhe kur kjo nuk arrihet, ato zgjidhen nga Gjykata kompetente.

NENI 15.

Kontrata e themelimit pasi u lexua nga Ortakët Themelues u nënshkrua prej tyre pa vërejtje para Noterit të vendit të themelimit të Shoqërisë.


ORTAKËT THEMELUES

Bashkim TOLA

Valdete TOLA

Të përfaqësuar me prokurë nga

Av. Dr. Maksim HAXHIA



REPUBLIKA E SHQIPERISE
DHOMA E NOTERISE TIRANE
Nr. 1048 Rep.
Nr. 100 Kol.

VERTETIM

Sar me date 11.02.2004, para meje noterit Agim Robo, Noter prane Dhomes se Noterise Tirane, u paraqit personalisht Av. Dr. Maksim R. HAXHIA, avokat i Dhomës së Avokatisë Tiranë me liçensën me nr. 1, person madhr m zotesi te plote juridike per te vepruar, i njohur personalisht prej meje, përfaqësues me prokurë i Z. Bashkim Tola dhe i Zj. Valdete Tola, i cili me deklaroi permbajtjen e ketij akti te hartuar jashte kesaj zyre, dhe te nenshkruar me vullnetin e tij te lire dhe te plote dhe une noteri e vertetova ate sipas ligjit.

NOTER

Agim ROBO



**STATUTI
I SHOQËRISË TREGTARE
“ERJALBA” Sh.p.k.
ME SELI NË GJIROKASTËR**



Sot më datë 10.02.2004, Ortakët Themelues :

1. Bashkim Tola, i biri i Belulit, i datëlindjes 06.08.1968, lindur në dhe banues në Gjirokastrë, person madhor me zotësi të plotë juridike për të vepruar, mbajtës i pasaportës me nr. 1259301.

2. Valdete Tola, e bija e Delos, e datëlindjes 10.04.1968, lindur dhe banuese në Gjirokastrë, madhore me zotësi të plotë juridike për të vepruar, mbajtëse e pasaportës me nr. 1259302.

Ranë dakort për themelimin e shoqërisë me termat si më poshtë vijon:

I. DISPOZITA TË PËRGJITHSHME

Shoqëria Tregtare “ERJALBA” Sh.p.k. rregullon pozitën e saj juridike, marrdhëniet e themeluesve, të organeve të saj, llojin e Shoqërisë, kohëzgjatjen e veprimtarisë së saj, marrdhëniet me të punësuarit, duke u bazuar në ligjin 7638 datë 19.11.1992 “Për Shoqëritë Tregtare”, dhe dispozitat e tjera të legjislacionit shqiptar në fuqi që rregullojnë marrdhëniet e Shoqërive Tregtare

NENI 1.

Objekti i Veprimtarisë së Shoqërisë do të jetë :

- Veprimtari në fushën e gastronomisë dhe fast food.
- Aktivitet në fushën e tregtisë së Bareve, Restoranteve e Hotelërisë, duke përfshirë këtu të gjitha ambjentet argëtuese në funksion të tyre, si disko, klube nate, e lojra të ndryshme argëtuese në funksion të tyre.
- Import-ekport dhe shitblerje me shumicë dhe me pakicë të mallrave industriale, ushqimore, blektorale, bujqësore, lëndëve të para, pjesëve të këmbimit për makina të të gjitha tonazheve, cigare, medikamente mjeksore, pajisjeve elektrike, elektronike, hidrosanitare, hidraulike, duraluminit, pllakave të të gjitha llojeve, plastikës, gomës, bimëve mjeksore, lëndëve drusore dhe mobiljeve, makina të të gjitha llojeve dhe tonazheve, të linjtave të prodhimit dhe të përpunimit, konfeksioneve dhe të parfumerisë, por pa u kufizuar vetëm në këto.

NENI 2

Emri dhe selia e Shoqërisë

Shoqëria është Person Juridik Privat, pas regjistrimit në Regjistrin Tregtar pranë Gjykatës së Shkallës së Parë Tiranë.

Shoqëria do të paraqitet në qarkullim me emrin e saj “ERJALBA” Sh.p.k.

Selia e Shoqërisë ndodhet në Qytetin e Gjirokastrës, me adresë Lagjia “18 Shtatori”, pranë Pallatit të Sportit.

NENI 3.

Regjimi Juridik i Shoqërisë.

Shoqëria udhëhiqet nga parimet e ekonomisë së tregut dhe ka për qëllim fitimin. Ajo respekton parimin e reciprocitetit.

Ajo është një shoqëri me përgjegjësi të kufizuar (Sh.p.k.). Veprimtaria e saj i nënshtrohet dispozitave të kontratës së themelimit, Statutit si dhe dispozitave të legjislacionit tregtar e atij civil në fuqi.

Me vendim të Ortakëve, Shoqëria mundet që të ndryshojë rregjimin juridik të saj në përputhje me dispozitat ligjore që do të jenë në fuqi si dhe në përputhje të plotë me dispozitat e Kontratës të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse.

Shoqëria gëzon personalitet juridik nga data e regjistrimit të saj në Rregjistrin Tregtar.
Shoqëria do të ketë vulën e saj.

II. TË DREJTAT DHE DETYRAT E ORTAKËVE.

NENI 4.

Ortakët mbajnë përgjegjësi për humbjet deri në kufirin e kapitalit të investuar. Pasuritë e krijuara nga Shoqëria gjatë aktivitetit të saj janë në pronësi të Ortakëve, në raport me përqindjet e kapitalit themeltar që ata zotërojnë. Ato (pasuritë) mund të tjetërsohen, të jepen me qera, të lihen peng e hipotekë me miratimin e Ortakëve Themelues.

NENI 5.

Të drejtat e Ortakëve.

Kanë të drejtë të administrojnë aktivitetin e Shoqërisë konform objektit të veprimtarisë së saj duke përfshirë edhe veprimtarinë prodhuese e tregtuese që Shoqëria mund të kryejë, vlerat e saj intelektuale e ekonomiko - financiare. Marrja dijeni për rezultatet ekonomiko - financiare në çdo fazë të aktivitetit të saj. Marrja pjesë vetë ose me anë të përfaqësuesit në këtë aktivitet.

Kanë të drejtë të tërheqin të gjithë dokumentat kryesore të Shoqërisë për tre vjetet e fundit. Marrja nga Administratorët e Shoqërisë 15 ditë para çdo mbledhjeje asamblejeje materialet e saj dhe projektet e vendimeve.

Të heqin dorë nga Shoqëria dhe mund të shesin pjesën e kapitalit të tyre, në përputhje me kushtet që i lejon Statuti dhe Ligji.

Heqia dorë nga shoqëria nuk i liron ata nga detyrimet që kanë deri në momentin e heqies dore dhe nuk i cënon ata në marrjen e të ardhurave, në propocion me pjesën e tyre, që Shoqëria ka siguruar deri në këtë moment. Në rastin e heqies dorë ata mund ti ofrojnë pjesën e tyre të kapitalit ortakëve të tjerë, në bazë të së drejtës së parablerjes dhe me refuzimin nga ana e tyre mund t'ja ofrojnë këtë pjesë çdo personi tjetër të mundshëm.

Ortakët në përputhje me Kontratën e Themelimit, me Statutin dhe legjisllacionin në fuqi kanë të drejtë, që në të njëjtën kohë të jenë Ortakë edhe në Shoqëri të tjera.


Ortakët kanë të drejtë që të paraqesin propozime për shqyrtime para organeve të Shoqërisë si dhe të emërojnë e shkarkojnë Administratorin ose Administratorët, të punësuarit, ekspertin kontabël apo likuidatorët.

NENI 6.

Ortakët kanë edhe këto detyrime kryesore :

Të depozitojnë pjesën e tyre në kapitalin e Shoqërisë brenda afatit të parashikuar. Të derdhin kuotat suplementare në kushtet e përcaktuara në statut.

Të përpiqen për fillimin e aktivitetit të Shoqërisë sipas objektit të veprimtarisë së saj.



Të informojnë organet drejtuese të Shoqërisë për mundësitë e përmirësimit të aktivitetit të saj.

Të marrin pjesë në procesin e rritjes së nivelit të specialistëve.

Të respektojnë detyrimet që burojnë nga Kontrata e Themelimit, Statuti dhe legjislacioni në fuqi.

NENI 7.

Kohëzgjatja e Shoqërisë.

Shoqëria do të ketë një kohëzgjatje me një afat të pakufizuar.

NENI 8.

Ndalohet emetimi i letrave me vlerë si dhe garantimi i emisioneve të letrave me vlerë.

III. KUSHTET EKONOMIKE TË SHOQËRISË.

NENI 9

Veprimtaria e funksionimit të Shoqërisë bazohet në kërkesat e ekonomisë së tregut.

Veprimtaria ekonomike ndërtohet mbi parimet e llogarisë dhe paqyrohet në bilancet e saj.

NENI 10

Kapitali fillestar i investuar nga Ortakët, përbën bazën e krijimit të fondit themeltar të mjeteve të xhiros.

Administratorët i dorëzojnë Ortakëve dokumentin vërtetues për sasi të shumave të derdhura në fazën e themelimit.

Vlerësimi i kapitalit në natyrë është bërë nga Ortakët Themelues në momentin e themelimit të Shoqërisë.


NENI 11

Kapitali themeltar i shoqërisë është i përbërë nga kontributi i ortakëve themelues në vlerën 100.000 (njëqindmijë) lekë. Kuotat janë me vlerë nominative. Kapitali themeltar ndahet në 100 kuota me shuma jo më të vogla se 1000 lekë.

Kuotat e Shoqërisë janë të ndara si më poshtë :

1. **Zoti Bashkim Tola**, me cilësinë e ortakut themelues, zotëron 51% të kuotave të kapitalit themeltar.
2. **Zonja Valdete Tola**, me cilësinë e ortakës themeluese, zotëron 49% të kuotave të kapitalit themeltar.

Të gjitha pjesët e kapitalit themeltar duhet që të nënshkruhen në tërësinë e tyre nga Ortakët themelues dhe të shlyhen krejtësisht prej tyre, si për rastet kur përfaqësojnë kontribute në para ashtu edhe në natyrë. Ato nuk mund të përfaqësojnë kontribute në shërbime.



NENI 12
Pasuria e Shoqërisë

Shoqëria bëhet pronare e pasurisë së luajtshme e të paluajtshme kur vlera e pasurisë mbulohet tërësisht në të holla. Shoqëria nuk ka detyrimin e nuk përgjigjet për kthimin e kompensimin e tokës së blere nga shteti tek ish-pronarët.

NENI 13
Trasferimi i kuotave tek pasardhësit, parardhësit dhe bashkëshorti.

Kuotat e Ortakëve mund të transferohen lirisht tek trashgimtarët ligjore e testamentarë te tij mbas vdekjes si dhe tek bashkëshorti tjetër me rastin e zgjidhjes së martesës. Subjektet që përfitojnë nga ky transferim detyrohen të disponojnë kapitalin e transferuar për një vit në Shoqëri, duke pasur të gjitha të drejtat e mbajtësit të tij të mëparshëm.

NENI 14

Ortakët mund të transferojnë lirisht kapitalin themeltar edhe tek bashkëshorti, tek pasardhësit e paraardhësit, të cilët detyrohen që për një vit ta disponojnë këtë kapital në shoqëri.

NENI 15.
Forma e transferimit

Transferimet e kapitalit themeltar duhet të vërtetohen me akt noterial, ndryshe janë të pavlefshme. Në të gjitha rastet e transferimit të kapitalit themeltar nevojitet miratimi paraprak i ortakëve të shoqërisë

NENI 16.
Zmadhimi dhe zvogëlimi i kapitalit

Kapitali themeltar mund të zmadhohet ose të zvogëlohet kur për këtë vendosin Ortakët themelues.

Zmadhimi i kapitalit mund të vendoset kur e kërkojnë interesat e Shoqërisë duke vendosur kuotat suplementare të Ortakëve.

Ortakët themelues, vendosin për zvogëlimin e kapitalit të Shoqërisë.

Zvogëlimi i kapitalit nuk duhet të dëmtojë kreditorët e as të krijojë pasiguri tek ata që kanë dhënë kredi para publikimit të zvogëlimin të kapitalit. Në të kundërtën Gjykata e konsideron të pavlefshëm këtë vendim mbi kërkesën e kreditorëve.

NENI 17.
Fondet rezerve

Shoqëria krijon fondin rezervë dhe fonde të tjera financimi për të përballuar nevojat e saj ekonomike.

Ajo disponon lirisht mjetet e veta financiare për shlyerien e detyrimeve gjatë veprimtarisë së saj.



NENI 18.

Përdorimi i të ardhurave neto.

E ardhura neto që rezulton mbasi zbriten shpenzimet e bëra për kryerjen e çdo lloj aktiviteti nga zbritja e vlerës së amortizimit, nga tatimet dhe taksat, nga kuotat që rritin kreditë për investime, pagat e shpërblimet, përdoret nga Ortakët, sipas qëllimit të tyre.

NENI 19.

Bilanci.

Pasuria e Shoqërisë vlerësohet në bilancet e saj në monedhë të vendit ose në monedhë të huaj sipas vlerësimit të Ortakëve ose ekspertëve në momentin e Themelimit të Shoqërisë.

Bilanci vjetor paraqitet brenda datës 31 Mars të vitit pasardhës. Forma e bilancit përcaktohet nga Administratorët në harmoni me format e bilanceve të vendosura në Republikën e Shqipërisë.

NENI 20

Plani financiar.

Plani financiar parashikon aktivin e pasivin e aktivitetit ekonomik të Shoqërisë, të shprehur në lekë ose valutë të konvertueshme. Llogaria ekonomike do të mbahet në Shqipëri.

Shkëmbimi i monedhës shqiptare me atë të huaj dhe anasjelltas bëhet sipas kursit zyrtar ose privat të këmbimit.

IV. ORGANET E SHOQËRISË.

NENI 21.

Organi themelor i shoqërisë është Asambleja e Ortakëve. Asambleja e Ortakëve, është e zakonshme dhe e jashtëzakonshme. Mbledhja e jashtëzakonshme mund të mbledhet në çdo kohë kur organi administrativ ose vetë ortakët e shikojnë të nevojshme.

Asambleja e Ortakëve vendos për të gjitha problemet me përjashtim të atyre që është vendosur ndryshe nga Statuti.

Asambleja e Ortakëve mbledhet të paktën një herë në vit për miratimin e bilancit, mbasi lajmërohet nga Administratori 15 ditë përpara me shkrim.

Asambleja e Ortakëve drejtohet nga Administratorët. Ata emërojnë nga pjesmarrësit një sekretar për mbajtjen e proces - verbalit të mbledhjes me përjashtim të rasteve kur ai duhet mbajtur nga një Noter sipas ligjit.

Vendimet e mbledhjes fiksohen në proces - verbalin e firmosur nga Administratorët dhe sekretari ose Noteri. Në proces - verbal duhet të pasqyrohen në mënyrë të përmbledhur me kërkesën e bërë prej tij, deklaratat e bëra prej Ortakëve. Vendimet e mbledhjes, të marra në përputhje me ligjin, Kontratën e Themelimit ose Statutin lidhin Ortakët, megjithëse nuk kanë diskutuar ose kundërshtuar.



V. ADMINISTRIMI I SHOQËRISË

NENI 22.

Administrimi i Shoqërisë do të kryhet nga Administratorët.

Administratorët kanë të gjitha të drejtat e fuqitë për drejtimin e zakonshëm të Shoqërisë, me qëllim që të arrijnë objektivat e saj, përveç atyre që ligja ja atribuon Ortakëve.

Administratorët përfaqësojnë Shoqërinë në mardhënie me të tretët si dhe para organeve të administratës dhe atyre gjyqësore.

Shoqëria mund të ketë edhe Këshill Administrativ kur ajo e shikon të nevojshme. Këshilli Administrativ thirret nga Administratorët e Shoqërisë për probleme të ndryshme. Njoftimi duhet të përmbajë vendin, datën dhe orën e mbledhjes, si dhe çështjet që do të trajtohen. Vendimet e mbledhjes merren nga Administratorët. Ato fiksohen në proces - verbal të firmosur nga ata dhe sekretari.

Shoqëria merr përsipër detyrimet që rrjedhin nga aktet e organit administrativ. Administratorët janë përgjegjës individualisht dhe bashkarisht ndaj shoqërisë ose ndaj të tretëve për shkelje të ligjeve, për shkelje të statutit apo për dëme të kryera gjatë administrimit.

Administratorët shkarkohen me vendim të Ortakëve. Përveç kësaj Administratorët mund të shkarkohet nga Gjykata me kërkesë të njerit prej Ortakëve.

Ortakët kanë të drejtë që të marrin nga Administratorët të dhëna për zhvillimin e punëve dhe të shikojnë librin e Shoqërisë.

Administrator i Shoqërisë "ERJALBA" Sh.p.k. do të jenë **Z. Bashkim Tola** dhe **Znj. Valdete Tola**. Ata veprojnë në emër dhe për llogari të shoqërisë sipas të drejtave dhe detyrimeve të përcaktuara në ligj dhe Statut. Ata e përfaqësojnë shoqërinë të dy së bashku ose secili veç e veç.

NENI 23

Administratorët kanë këto kompetenca kryesore :

- Të miratojnë planet e llogarive ekonomike pas përpunimit të tyre dhe t'i paraqesin ato sipas rastit për miratimin përfundimtar Asamblesë së Ortakëve.
- Të bëjnë propozimet përkatëse Ortakëve kur lind nevoja për ndryshime në kapitalin themeltar të shoqërisë.
- Të miratojnë aktet normative që përcaktojnë raportet në gjirin e Shoqërisë, duke përfshirë kuadrin e personelin.
- Të përfaqësojnë Shoqërinë në mardhënie me të tretët.
- Të përcaktojnë strukturën e aparatit të Shoqërisë dhe të krijojë organe të tjera të domosdoshme për realizimin e objektivave të Shoqërisë.
- T'i propozojnë Ortakëve për krijimin e njësisë, strukturave të ndryshme si filiale, degë e përfaqësi në qytete të tjera të vendit ose jashtë shtetit.
- Të përgatisin propozimin për, pushimin e veprimtarisë së shoqërisë dhe t'ja paraqesi Ortakëve për miratim.
- Të përzgjedhin ekspertët kontabël dhe anëtarët e komisionit të likuidimit si dhe të paraqesin propozimet për miratim para Asamblesë së Ortakëve.
- Të sigurojnë zbatimin e përpiktë të Vendimeve të Asamblese së Ortakëve.
- Të përcaktojnë numrin e punonjësve në Shoqëri.
- Të nënshkruajnë tërheqien e shumave monetare në llogaritë bankare.

NENI 24.
Ekspertët Kontabël.

Shoqëria cakton ekspert kontabël për çdo vit financiar kur jemi përpara rasteve të përcaktuara në ligj. Caktimin e tyre e bën Mbledhja e Ortakëve.
Ekspertët kontabël mbajnë përgjegjësi për mbajtjen e rregullt të të gjithë dokumentacionit të Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.
Nuk mund të ngarkohen me detyrën e ekspertit, themeluesit, administratorët, personat që janë punëtorë të krushqi me ata deri në shkallën e katërt. Po ashtu nuk mund ta kryejnë këtë detyrë përgjegjësit e zyrave, filialeve e agjensive.

VI. MARRDHËNIET E PUNËS.

NENI 25.

Marrdhëniet e punës në Shoqëri rregullohen sipas dispozitave të Kontratës së Themelimit, Statutit dhe Legjislacionit Shqiptar të Punës.
Punësimi në Shoqëri realizohet me anë të kontrates individuale të punës midis Shoqërisë e të punësuarve.
Marrdhëniet midis Shoqërisë e sindikatës rregullohen nëpërmjet kontratës kolektive të punës.

NENI 26.

Kontrata individuale e punës rregullon këto marrdhënie:
Marrja në punë, kushtet e të punësuarit për tu marrë në punë.
Lloji i punës që do të kryejë i punësuarit, profesionet ndihmëse, koha e punës ditore e javore, pushimi ditor e javor, shpërblimi për kohën e punës, për periudhën jashtë kohës normale të punës, për punën e natës, për ditët e pushimit dhe të festave, shpërblimi për punë të dalluar.
Përgjegjësitë e palëve për mos respektimin e kontratës.

NENI 27.

Të punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.

VI. MBYLLJA E SHOQËRISË. LIKUJDIMI.

NENI 28.

Veprimtaria e Shoqërisë mund të ndërpritet para afatit kur Shoqëria nuk rezulton rentabël gjatë dy vjetëve të fundit radhazi dhe kur për këtë vendos Gjykata kompetente.



NENI 29.

Kur vendoset shkrija e Shoqërisë, mbi propozimin e Administratorëve, Mbledhja e Asamblesë të Ortakëve cakton likuidatorin që realizon likuidimin e saj. Shoqëria gjatë likujdimit mban anash emërtimit edhe emrin "Shoqëri në Likujdim e Sipër".
Me miratimin e likujdimit Shoqëria i jep fund veprimtarisë.

NENI 30.

Asambleja e Ortakëve vendos mbi rregullshmërinë e likujdimit, për të vendosur për bilancin e likujdimit dhe heqien e mandatit të likuidatorit.
Asambleja e Ortakëve mund të kërkojë edhe vetë realizimin e kësaj mbledhje, në rast se likuidatori nuk e kërkon. Mbledhja vendoset edhe nga Gjykata mbi propozimin e njërit prej Ortakëve ose të një mandatmbajtësi.

NENI 31.

Kur Asambleja e Ortakëve, pa shkaqe të arsyeshme nuk vendos për aktet e mësipërme, likuidatori dhe çdo person i interesuar mund të kërkojë nga Gjykata mbylljen e likujdimit.
Aktet e mbylljes së likujdimit, së bashku me llogaritë përkatëse përfundimtare, depozitohen në regjistrin tregtar.
Mbas mbylljes së likujdimit e depozitimit të dokumentacionit në regjistrin tregtar, Shoqëria çregjistrohet prej tij.

VII. DISPOZITA TË FUNDIT.

NENI 32.

Nëpunësit, të zgjedhurit nga Asambleja e Ortakëve, e personat që punojnë për llogari të saj, mbajnë përgjegjësi penale e civile sipas nenit 296, 297, 301 të ligjit "Për Shoqëritë Tregtare" kur me dashje shkelin detyrat e ngarkuara e i shkaktojnë humbje Shoqërisë.

NENI 33.

Statuti hyn në fuqi mbas miratimit dhe regjistrimit të Shoqërisë në regjistrin tregtar në Gjykatën e Shkallës së Parë Tiranë.

ORTAKËT THEMELUES

Bashkim TOLA

Valdete TOLA

Të përfaqësuar me prokurë nga

Av. Dr. Maksim HAXHIA

